

同治丁卯新刊

肥鄉縣志

重修肥鄉縣誌序

錦川王公建中字懋庵余之鄉先達也雍正庚戌曾知縣事修城池創衙署興學校建營房自舊店營移復舊治又因縣誌缺略銳意重修考獻徵文以備掌

肥鄉縣志

序

故迄今一百三十七年矣同治丙寅十月余攝篆茲土甫經下車諸紳士以修誌請蓋以余係懋庵之同鄉而以懋庵之事望於余也余披閱誌書雍正壬子以前事尚詳備自時厥後政事

之興廢典禮之沿革人文之蔚  
起節孝之流傳代遠年湮無從  
稽考况近年兵亂頻仍楊樹屏  
觀察飭戎行以備不虞練堅陣  
以摧巨寇修城垣以固封守褒  
忠義以建崇祠豈可聽其湮沒

無傳廢墜不舉乎因允其請而  
以秉筆託之學博趙君鯉門趙  
君在任六年學問文章久爲諸  
紳所景仰而又久與樹屏觀察  
共事武功文治知之審言之詳  
也書旣成體例精嚴筆意簡核

一百三十七年事迹展卷瞭如  
是雍正壬子以前肥鄉以懋庵  
爲轉關雍正壬子以後肥鄉以  
樹屏觀察爲轉關有此誌樹屏  
觀察之功以傳有此誌而諸紳  
士以懋庵之事望於余者不有

以酬其願哉余履任半載一切  
善政愧不能繼懋庵之後爲閭  
里榮猶幸舊誌重修假手以告  
成功與懋庵後先相映此若有  
數存乎其間焉不然前任能文  
者多矣何以考獻徵文以備掌

故兩次皆錦州人也

峯

同治六年歲在丁卯端陽前五

日五品銜署肥鄉縣事遼

西李鵬屏序於官廨之鴻

雪堂

重修肥鄉縣志序

肥鄉舊志自雍正壬子重修迄  
今一百三十七年矣時移勢易  
制度屢更一切官司之所守典  
禮之所關已有月異歲不同之  
勢况兵興以來修城垣除戎器

教陣法練鄉兵興書院以振文  
風建學宮以崇儒術以及鄉民  
好義爲國捐軀勇士從軍同仇  
敵愾死者之忠魂飄泊生者之  
偉績昭垂若不爲之表揚登之  
簡冊何以激英雄之氣而慰節

烈之心乎濂自辛酉九月抵任縣

志久闕與楊樹屏劉光陞共議  
重修兵亂方殷無暇及此同治  
癸亥光陞以終養歸甲子正月  
樹屏以陞任去事遂中止濂屢

與諸紳士提及因循未果丙寅

十月李挹汀抵任諸紳士以志  
書請挹汀慨然應允籌經費定  
章程而委濂秉筆爲時旣久房  
稿殘缺考核無從乃搜舊家之  
譜牒訪古廟之碑文問先賢遺  
事於子孫咨月旦鄉評於父老

有善率錄不以微末遺也核實  
以求不以情面濫也自十一月  
十九日開局迄丁卯四月二十  
一日書成條分縷析悉有成規  
綱舉目張別開生面一切官司  
之所守典禮之所關以及修城

垣除戎器教陣法練鄉兵興書  
院建學宮慰忠魂褒偉績諸大  
事無不燦然明備而一百三十  
七年之闕典有以補其弊而救  
其偏則樹屏光陞有志未逮者  
挹汀不觀厥成哉

濂

執鉛槧得

附驥以傳亦云幸矣

欽加五品銜卽選教授肥鄉縣  
教諭古適趙文濂序

舊志序

鄒公理曰今之志古之史也叙事紀物式類辨宜考往例後  
匪志罔具地理無志山川之區域風俗之趨向無從稽矣建  
置無志公署之品列郵梁之次第無所辨矣學校無志士無  
定習而教化不宣矣田賦無志歲出不經而征或橫暴矣祠  
祀無志鬼神廢饗而民或諂黷矣職官無志勸鑒之道湮矣  
人物無志淑慝之實紊矣選舉無志賢俊罔昭而士不知激  
矣古蹟藝文無志地之勝槩泯而士之精華鬱矣茲非縣之  
缺典而吾有司之責歟顧踈庸蒞官酬應期會目不暇給成  
吾事者其惟諸士大夫乎遂以托諸蔣君聲之郭君子京喬

肥鄉縣志

序

一

君如松蔣君善之越明年戊戌夏五月朔秩始成嗚呼志也  
者識也識以脩觀觀以彰教教以風遠文實兼脩謂之精實  
不稱文謂之誣文不稱實謂之僻精固可以觀可以教可以  
風矣苟誣焉僻焉與觀教風乎何有

邑人郭鄙曰肥鄉或以此爲蔡臯狼地或以趙陵爲平原君  
塚或又以周處三害爲本縣忠烈考之史記與大明一統志  
皆未可盡信闕之可也

商公誥曰天下名山大川分隔疆域而所生之人各得其山  
川風土之氣故剛柔緩急之性因方而殊以古趙之國言之  
南視大河西倚太行規模氣勢鎮重踈達其人之所稟論者

謂其慷慨悲歌慕義彊仁舊矣肥鄉趙域也予涖官茲土旋以公事徧歷鄉野見其民之質朴而不浮坦率而尚氣古人之遺風猶存焉勃然有因俗化導之心訪其故典時事皆茫茫乎不能言其槩乃竊悼之夫爲政者欲撫其民集其事鼓其風教必先於統御之所不及者使凡成規體要各喻於心然後區處條理不相違背上便於施下便於守所爲而成所謀而遂宰官守郡領藩相國其理一也然則邑志之修固可緩乎前尹臨川鄒君亦嘗修之歲久事更難相沿也乃延數良士館諸公所給其資用遠稽近考萃爲此書一縣之中數百年之事燦然如指諸掌雖弛張聽斷如權衡度量稱較百

## 肥鄉縣志

### 序

#### 二

物化裁以盡變者固不專於此而其故典時事法定守達於上下於予因俗化導之心亦庶幾有所助矣抑予猶有說焉邑之封域絕長補短將六十里其地以頃計之僅三千四百頃其民以丁計之僅三萬五千丁歲之所出租稅工食之類用銀無慮四萬兩而奇差冗費不與焉民兵皂隸之屬應役無慮二千人而里書保甲不與焉所餘之財方得以給其私所餘之力方得以營其家雖大熟之年其用不豐而況於中熟下熟也哉而況於災變相仍也哉則恤其困苦而保育撫緩之者不能不戚戚於心矣此予之所深感而兼有望於繼茲任者也爲吾民者其亦以勤儉而勵乎

廉公靖曰邑制之沿革風俗之靡偷政事之興廢則前序已載之矣勸懲乎善惡維持乎民風進退乎吏治之臧否足以淑人心昭永鑑則大司馬張公序又備言之矣抑余竊有說焉孔子云君子學道則愛人苟爲宰者一民一物痛癢相關真如慈母保赤子是真能學道者也是真能愛人者也不則剝民諛上媒進榮家縱博一時通顯其於孔子之訓遠矣余令邑三載無善狀顧念舍學道則無善學舍愛人則無善治舍聖訓則無善師敢以此望之將來之君子并質諸邑之賢士大夫云

邑人張學顏曰余惟國家肇域四海英廟正統五年命各省

## 肥鄉縣志

### 序

### 三

郡邑自爲一志煙火萬里遠近分合犁然如指諸掌自三代後輿圖廣大未有如今日之盛者然先朝吏治舉士風正民生安二百餘年設官取士如故議者每言今不逮昔則分野分疆域考質在志而經綸輔相在人可知矣官茲土者宣朝廷德意體閭閻休戚預遠苞苴力絕關節以恩信撫民以禮法待士政權無旁落胥史無上侵田賦必清無容詭冒經費必正無溢額供刑罰必當催科必時積儲廩庫足備歲凶慎防城櫓足消萌釁俾居者悅徙者還不善者化爲善者安是志卽官之箴也產茲土者父子慈孝相依兄弟友恭相與朋友德業相勸夫婦和敬相成處鄉法謙謙君子出仕效蹇蹇

王臣勿挾勢力虐孤微勿逞巧詐陷羸獨無爭訟以叢殃無  
淫朋以敗俗尊卑貴賤循分親疎長幼守法是志卽家之範  
也若不奮發興起以自外於良吏良民志何益於邑哉

焦公服祖曰志與史同科古有史無志黃帝立倉頡爲左史  
沮誦爲右史周有內史外史大小史之屬不聞以志也孔子  
作春秋凡會盟征伐日食星隕螽蟻無冰之類無不悉書則  
聖人垂世大經實爲後代作志之祖迨班固變八表爲十志  
而志遂與史並重矣王通訊史遷之失謂其紀煩而志寡陳  
壽三國未愜輿望則志誠有難言者哉肥志遠不可攷在明  
始於鄒公理廉商二公相繼修補尚多脫誤夫寰宇之內名

## 肥鄉縣志

### 序

#### 四

山大川神臯奧區不可勝數其以肥稱者如衛詩之肥泉因  
水獲名春秋之肥子國因氏獲名廣武之肥舊志戰國肥義  
傅趙惠文王而死其難後人嘉其烈因名其地曰肥鄉然竹  
書紀年於梁惠王八年已言伐邯鄲取肥矣是肥之名其來  
已久豈至魏黃初時始立哉余作牧三年日逐逐於簿書愧  
乏子長孟堅之學暇時與邑中仁賢較論今古念肥自壬戌  
漳水沉城後井幹漂沒典冊淪喪未嘗不嘆七十年間無人  
起而任厥事者矧代變時更忠義節孝不乏鵲起有月旦已  
彰而董狐未載有輿論已符而俎豆未列皆長吏責也又值  
爾來河伯澎湃環堤布野浸城灌郭勞勞疏塞宵旦無寧晷

有志未伸幾同道旁築室茲承許臬司大人意旨篤尙事  
乃延邑紳賀公懷菴偕一二同志效殷周採彼家人法梁益  
詢諸故老廣蒐博訪彙輯成篇擴前志所未備爲古闡幽芳  
爲今存直道至瓌逸難錄復作志餘百種以附簡末昔王子  
有拾遺葛稚川有雜紀不妨細收也後之生斯土者或景旋  
馬高風或慕食客雅志或流連孝子之墟鬚眉欲生或憑弔  
貞女之墓指髮欲動其人往其音留固赫赫若前日事也余  
方嚴加檢較鳩功授劄劄客有難之者曰國家肇域四海無  
此疆彼界之殊自有大匠操斲哀聚九有全書奚一嚮之足  
嗜余應之曰泰山不讓土壤故能成其高江河不擇細流故  
能成其大隋經藉志曰西漢之時天下記書先上太史及光  
武復詔南陽撰作風俗故沛三輔有耆舊節士之序魯廬江  
有名德先賢之贊斯皆郡國之書並爲纂述之助傳云善志  
不言誰知其志是役也非敢藉手以垂不朽夫亦畧存其槩  
以當畢股之附耳云

訪志檄文

邑人賀應旌

竊惟志者繫文獻之總歸稱左狐之別體分疆畫域國有春  
秋紀事編年人標月旦豈徒侈此邦之勝槩供永日之卧遊  
已哉凡以驗風俗考形勢鏡得失昭勸懲用世者酌乎古斯  
準乎今憂民者披其圖如履其境節廉忠孝感物斯興禮樂

肥鄉縣志

序

五

兵農隨時可布人心嘉賴世道攸關况我肥鄉古稱望縣星  
分昂畢之墟人吐燕趙之氣山連葛蘖忠臣面貌如生城枕  
浮邱公子岡壠可眺李文靖爲宋朝之真聖人竇漢卿實元  
代之古君子橋梁廬舍居然韋令花封旗幟犁鋤髣髴劉候  
桑野人文接武吏治聯翩在冀北雖屬偏方於畿南實爲勝  
地無柰陽候肆虐城社頻傾典籍與之銷沉老成因而隕謝  
問百年來之人物寥如晨星攷歷代後之文章飄同斷梗因  
革損益咨訪何從治亂興衰徵求安在况易代紛更之初正  
傳聞益舛之日逮今不網羅舊文蚤圖蒐輯而日月如流草  
木易腐致令撫臺山邯水之風流無從寫慷慨悲歌之生面

肥鄉縣志

序

六

人樂因循責將誰屬不佞生於斯長於斯業爲邪許之唱而  
見異辭聞異辭豈乏聲求之應况邑中之高明固多而一人  
之耳目有限特署楮候以代咨訪倘或家藏名宦先賢之藝  
文孝子節義之事實祖父歷官之顯績耆碩聞見之災祥勿  
曰事細無補綱常勿曰談鄙無裨治化勿曰匹夫小善不掛  
名賢勿曰教外別傳不關至極兼收並蓄積土成邱彙種分  
門學川至海勒成一邑之完書用垂千秋之炯鑒他日貢之  
太史懸之國門豈惟勝事不致無聞抑亦人心有裨勸戒附  
青雲而垂不朽是所望於象賢之子孫唱白雪而和國中寧  
無待於扶杖之父老引領吮墨布告同人摭實傾囊俯命首聽

原序

邑之有志所以昭信而傳遠凡建置沿革山川經界田賦戶口吏治風俗人物文章皆得以書誠鉅典也歲在王子余奉

命巡察畿南三郡行部至廣平府屬肥鄉縣入其境沃壤平衍覘其俗醇朴厚重有閭紳士父老伏謁車前咸稱王邑宰善政蕃多功業懋著我肥邑自康熙四年漳水衝城官署移於舊店營民舍 題奉

部議俟水涸後仍令地方官設法修復上年興工今已落成民甚便之敢告語畢以次退抵其邑閱城廨倉庾行

肥鄉縣志

序

七

館宏壯脩具謁

文廟見殿廡巍煥丹雘燦然進諸生宣講

聖諭暨環堵而聽者熙熙皞由是益知

聖朝教澤之深得人之盛若此惟志尚未輯恐無以垂後繼而王君果以志告成請余爲序余奚能辭夫俊偉卓越之才多乘時而輩出興廢舉墜之事尤待人而後行肥治經水之後漠然於荒烟蔓草中幾七十年歷官斯土者豈無計及而因陋就簡遷延以至於今乎王君蒞治詢謀僉同毅然爲之戒畚鍤均勞逸百堵皆作量事慮財用跂翼翬飛不勞而集以約而堅超前軼後是

不可不爲之特書也詳載諸志足以昭信而傳遠宜也  
抑余更有慕焉余家世居洛程夫子以理學名儒出倅  
澶淵講學造士開水田以利民生教澤之遺至今土庶  
猶沐其德於不衰肥邑距澶州百里許今王君涖茲土  
百度維新方之吾鄉程子安在古今人之不相及耶遐  
考是邑人物如李文靖之相業竇文正之經術彪炳史  
冊皎同日月矣王君以名宦列叙其次度幾並光邑乘  
也後之官斯土者亦將有感而興起也

皆

雍正十年歲次壬子清秋

肥鄉縣志

序

八

賜進士出身翰林院檢討

欽差巡察順廣大三處等處地方山東道監察御史協理山

西道察院紀錄二次洛陽李學裕撰

原序

古列國之書皆得稱史自秦漢以來罷候置守令于是史事領諸 朝廷而郡邑稱志志也者所以紀風土辨政教述山川稽人物垂涖誠作國史之張本也是故記載不詳則不足以脩攷事蹟不真則不足以信後文采不彰則不足以傳遠廣平府之屬邑肥爲勝地自宋元以迄於明儒賢接跡人文蔚興將相之勲名輝映簡冊風俗之醇美冠絕畿南是烏可無鴻文巨筆制作成書上以資職方之搜討下以脩廣輿之核博乎考肥之有志始於明嘉靖之戊戌邑令鄒公理再修於嘉靖之辛酉邑令商公誥自萬歷

肥鄉縣志

序

九

及我

朝亦嘗一再續修之肥之志由來遠矣獨至康熙之乙巳肥之志可以不作矣何也志者紀也其中或因其事或因其地或因其人而筆之文以紀之欲其詳不欲其畧欲其實不欲其虛欲其文不欲其俚昭重典也肥自漳水衝突沒爲荒區有封疆而無城郭有政事而無治所有教化而無學宮有積貯而無倉廩有祀典而無壇廟卽舊志所紀徒爲虛器雖有史才如遷固則發摭無端馳騁失具有文無質縱極典雅巨麗無益也肥之志可作乎哉余自庚戌承乏斯邑簿書之暇取邑志而披閱之扼腕之情發於不自

已因與邑之同志者商之銳意興復自亥之春及子之秋而肥之百廢具舉焉是時邑之人士進而爲余言曰公盍修志以紀新猷余曰唯唯但余以一身膺百里寄兼攝郡丞事卽欲從事丹黃馳驅翰墨而案牘山積何暇專意爲之因延邑中良士館諸公所資其日用俾得廣搜博採輯續成編余亦時加筆削於是鋟之梨棗凡三月而告竣焉展卷之餘第見城署之復舊學校之更新賦役之維均道里之各便人物之輩出科目之繼興以及忠孝節義可以維持名教者更不乏人不特此也并紀其鳩工之目庀才之數若者易其規若者仍其制疏列詳明燦若指掌由是

肥鄉縣志

序

十

向之無城郭者今且雉堞巍然矣向之無治所者今且廳事煥然矣向之無學宮者今且泮藻增輝矣向之無倉廩者今且米粟充棟矣向之無壇廟者今且神歆其享矣肥之志又安可不作乎哉獨是志之作非以踵事而增華實以光前而傳後故紀載必取其詳事蹟必求其真文采必欲其彰上以宣治化次以肅官方次以勵風俗因其既往以戒將來豈徒侈談興造矜一己之能以誇耀於簡編哉後之官斯土者洞鑒余衷勿以爲國爲民之意視爲矜才炫美也則幸矣書成因爲跋以附於後

皆

雍正十年歲次壬子仲秋

賜進士出身文林郎知肥鄉縣事署理廣平府同知錦川王

建中序

肥鄉縣志

序

十一

凡例

- 一舊志重修特因原稿少加修葺本朝人物事迹缺略過多茲則援據府志益以見聞誤者正之繁者刪之闕者補之要期表揚前烈傳信後人
- 一歷代沿革據史考正無據者不敢附會
- 一滄桑遷改古迹僅存其名不必爲刻舟求劍之說
- 一肥鄉之患漳水爲大今徙而南不罹患者百有餘年矣近年以來漳水有北趨之勢河之故道詳加考核庶幾安不忘危
- 一人物自先哲名臣下及委巷獨行之士品詣不齊區別

肥鄉縣志

凡例

十二

- 一未能確當茲仿府志之例一以時代前後爲序其列寓賢孝友隱逸仙釋仍各爲一門
- 一職官年代久遠房稿無存難以編葺茲從司房抄錄掛漏不免識者諒之
- 一職官選舉仿照府志之例分類編年差爲明晰
- 一賦役舊志全抄賦役全書歷年旣多屢奉文裁革與舊志迥不相同茲仿府志一以現行事例爲斷
- 一名宦鄉賢嘉猷烈行不可殫述但年代久遠採訪爲艱不無遺漏之憾
- 一列傳止表揚旣往生者概不入傳論定必待將來

一列女已入舊志及奉 題旌者悉載無遺其有潛德

光表揚未逮而輿論允符者亦予特書以示風勵

一例監舊志附選舉後百餘年來納粟入監者不可勝計  
今以登仕籍者爲斷餘概闕之

一營建碑記備載以著事之始末無甚關係者不錄

一詩歌不涉地方無裨政治者雖有佳章不錄

一兵亂以來練鄉團除戎器頗有成倣特爲武備一志以  
備採擇

一兵禍孔亟焚掠之慘守禦之難肥鄉爲最特爲兵紀一  
志以備參攷

肥鄉縣志

凡例

十三

一戰守出力者屢奉 旨及上憲褒獎特爲保舉一志以  
表其功前朝薦辟附于遷舉今改載于前以歸畫一  
一陣亡殉難者不下千人俱奉 旨賜恤特爲忠義一志  
以著其節從前効忠者亦附載於前

修志姓氏

監修

欽加五品銜委署肥鄉縣知縣

李鵬展

奉天寧遠州人  
辛卯優貢

纂修

欽加五品銜候選教授肥鄉縣教諭趙文濂

涑水縣人  
己酉舉人

參訂

欽加五品銜肥鄉縣訓導

陳鴻翹

寧河縣人  
附生

監造

六品銜肥鄉縣典史

曹仰賢

山西平定州人  
監生

提調

肥鄉縣志

修志姓氏

十四

欽加五品頂翎候選訓導

張夢星

欽加五品銜候選訓導

王琴堂

欽加五品銜候選訓導

張廷昭

欽加五品頂翎

李占奎

採訪

欽加五品銜候選州同

呂文翰

山西靈邱縣知縣道光戊子舉人王心田

唐縣教諭嘉慶己卯舉人

王南珍

候選訓導

郭慶雲

歲貢生

殷 嶒

六品銜恩貢生

孫建業

六品銜歲貢生

喬日章

附生

王輔之

附生

高運昌

候補外委武生

李方城

歲貢生

張夢熊

校對

增廣生

桑國楨

鈔錄

胡成

高文魁

鄭永慶

裴以恕

常法純

肥鄉縣志

姓氏

十五

于長馨

舊志纂修姓氏

初刻明嘉靖十七年戊戌纂

知縣臨川鄒公理

邑人蔣良金 郭 鄙 喬 年

蔣良寶

二刻明嘉靖四十年辛酉纂

知縣平原商公誥

邑人梁 桐 郭崇嗣 杜 樸

李時芬 李天爵 張思忠

三刻明萬曆十八年庚寅纂

肥鄉縣志

姓氏

十六

知縣鄆陽廉公靖

邑人張承祚 郭 櫟 張鳳苞

梁 遜 李俞達

四刻康熙二年癸卯纂

知縣泌陽焦公服祖

邑人賀應旌 賀應旂 張祖岱

郭鳳翱 李貞吉

五刻康熙四十九年庚寅纂

知縣開原許公國栻

邑人李 載 張瑞生 李 旃

六刻雍正十年壬子纂

知縣錦縣王公建中

邑人宋 錦 程囊錦 李爾琮

張抱琦 玉季冬 宋建業

邑屢遭漳水版既漂沒書亦散亡故家遺室鮮有存者  
即間有殘編斷簡皆模糊甌脫不可辨其年月姓氏僅  
得錄傳如左用不忘首事之功亦聊以開後起之意薪  
續燈傳此道不至隕落其於一邑聲教風化相助爲理

豈曰小補

舊志

肥鄉縣志

姓氏

十七

肥鄉縣志目錄

卷一 輿圖

卷二 星野

卷三 沿革

卷四 建置

卷五 疆域

卷六 山川

卷七 學校

卷八 事紀

卷九 兵紀

肥鄉縣志

目錄

一

卷十 武備

卷十一 賦役

卷十二 壇祠

卷十三 寺觀

卷十四 塚墓

卷十五 古蹟

卷十六 風俗

卷十七 典祀

卷十八 物產

卷十九 封爵

卷二十 職官

卷二十一 保舉

卷二十二 選舉

卷二十三 封廕

卷二十四 名宦

卷二十五 人物

卷二十六 忠義

卷二十七 孝友

卷二十八 隱逸

卷二十九 列女

肥鄉縣志

目錄

卷三十 寓賢

卷三十一 仙釋


卷三十二 災祥

卷三十三 著述

卷三十四 藝文 公移 議 碑

卷三十五 藝文 記 墓誌 傳 祭文 詩

卷三十六 雜記





肥鄉縣志

卷一

輿圖

一






肥鄉縣志


卷一

輿圖

一一



署圖



肥鄉縣志

卷一

輿圖

三



